




Maqaalee Rabbii (Subhaanahu)-Kutaa 8.2

Description

B- Buâ€™aa Maqaalee Ar-Raaziq, Ar-Razaaq beeku fi itti amanuun argamuuâ€“**Kutaa 1ffaa**

Kutaa darbe keessati Ar-Razaaq, Ar-Raaziq-jechuun rizqii kan uumu, kennu fi karaa ittiin argatan laaffisuudha jenne turre. Ar-Razaaq baayâ€™innaan rizqii kennu agarsiisa. Rizqii jechuun wanta namoonni itti hajamanii fi itti fayyadamaniiidha. Kanneen akka soorata, uffata, qilleensa, qoricha, beekumsa fi kkf. Rabbiin subhaanahu wa taâ€™aalaa lubbu-qabeenyi lakkoofsi isaanii hangana hin jedhamneef rizqii baayâ€™ee daangaa hin qabne kan kennu waan taâ€™eef Inni Ar-Razaaq dha. Namni maqaa kana sirritti itti xinxalluun yoo hubatee fi itti amane buâ€™aalee baayâ€™ee argata. Isaan keessaa:

1-Rabbii oltaâ€™aaf ajajamuu, jaallachuu, Isaaf of gadi qabuu fi Isa galateefachuuâ€“eeti nafseen namaa tuni kan tola ishitti oole jaallachuu fi isaaf ajajamu irratti uumamte. Garuu yeroo qalbiin namaa kan tolee itti oole beeku irraa haguggamte, namni qananii isaa ni waakkata. Rabbiin subhaanahu wa taâ€™aalaa qananiin ilma namaa irratti oole lakkaawame hin dhumu. Garuu namoota lakkoofsan xiqqoo taâ€™antu qananii kana beekke Isaaf galata galcha. Kan hafan baayâ€™een isaanii qananii Isaa ni waakkatu. Qurâ€™aana keessatti ni jedha:

﴿وَقَلِيلٌ مِّنْ عِبَادِيَ الشَّاكِرُونَ﴾

•Gabroota Kiyya keessaa kanneen baayâ€™innaan galata galchan xiqqoodha.â€• Suuratu Sabaâ€™a 34:13

Galata galchuu jechuun qananiin Isarraa akka taâ€™e amanuu, arrabaan Isa faarsu, qalbiin Isaaf of gadi qabuu, wanta Inni jaallatu ittiin hojjachuu fi wanta Inni jibbuu ittiin hojjachuu irraa fagaachuudha. Dhugumatti, namoonni kana godhan lakkoofsi isaanii baayâ€™ee xiqqaadha.

Qananiin namni qabu fi argatuu hundi Gooftaa isaa irraa erga taâ€™e, sonoota (morals) keessaa wanti namarraa eeggamu Kan tola namatti ooluf galata galchuudha. Akkasi miti ree? Kan tola namatti oolef

galata galchuun amaloota fi sonoota gaggaarii keessaa tokko.

Rabbiin subhaanahu wa taâ€™aalam kan namoota qananiisu fi isaaniif rizqii kennu waan taâ€™eef, dirqamni namoota irra jiru Isaaf ajajamu fi galata galchuudha. Wantoota armaan olitti ibsuuf yaalle mee gaafi fi deebii A fi B jidduutti adeemsifamuun haa ibsinuu:

A: Maaliif Rabbiif ajajamtaa?

B: Akkuma beekkamu kan rizqii namaaf uumu, karaa ittiin argatan namaaf laaffisuu fi kennu Rabbi oltaâ€™aadha. Rizqiin Isaa addaan cinnaan jireenyi kiyya guutuun addaan citti. Fkn, osoo rooba samii irraa roobsu baate, Isaan ala eenyullee duumessa irraa bishaan buuse nama sooru hin dandaâ€™u. Kanaafu, karaan Jaalala Isaa itti argatan, rizqii kana caalu itti argatanii fi adabbii Isaa jalaa itti bahan, Ar-Raaziqaaf ajajamuudha. Nama rizqii Isaa waakkatu fi Isaaf ajajamu dide, adabbii adda addaa akka adabuu addunyaa tana keessatti argine jirra. Adabbiin Aakhirah immoo kana caala. Kanaafu, karaan adabbii kana jalaa nagaha itti bahanii fi rizqii guddaa addunyaa tanaa caalu itti argatan, Rabbi oltaâ€™aaf ajajamuudha. Qanani Isaa waakkachuu fi Isa faallessuun maaliif boodarra rakkoo fi adabbiif of saaxilaa? Rabbiin subhaanahu wa taâ€™aalam nama Isaaf ajajame, galata galchee fi amane akka hin adabne waadaa galee jira. Ni jedha:

مَا يَفْعَلُ اللَّهُ بِعَذَابِكُمْ إِن شَكَرْتُمْ وَءَامَنْتُمْ وَكَانَ اللَّهُ شَاكِرًا عَلِيمًا

â€™Yoo isin [Isa] galateefattanii fi amantan, Rabbiin isin adabuu irraa maal godhaa? Rabbiin Galateefataa Beekaa taâ€™eera.â€™ (Suuratu An-Nisaa 4:147)

A: Qurâ€™aana irraa aayah Rabbiin akka galateefatan itti ajajju naaf himu fi ibsuu dandeessaa?

B: Aayaanni shukrii (galateefachuutti) ajajan baayâ€™eedha. Garuu aayah takka qofa siif haa dhiyeessu:

يَا أَيُّهَا الَّذِينَ ءَامَنُوا كُلُوا مِن طَيِّبَاتِ مَا رَزَقْنَاكُمْ وَاشْكُرُوا لِلَّهِ إِن كُنتُمْ ءِيَّاهُ تَعْبُدُونَ

â€™Yaa warra amantan! Wantoota gaggaarii isiniif kennine irraa nyaadhaa. Isa kan gabbartan yoo taatan Rabbiif galata galchaa.â€™ Suuratu Al-Baqarah 2:172

Yaa warra Rabbi fi Ergamaa Isaa dhugoomsitan, haqaan gabbaramaan Rabbiin akka taâ€™e mirkaneessitanii fi Isaaf ajajamtan, wantoota gaggaarii fi halaala taâ€™an irraa nyaadhaa.[\[1\]](#) â€™Isa kan gabbartan yoo taatan Rabbiif galata galchaa.â€™ Rabbiin galateefachuu jechuun qalbiin of gadi qabuu fi qananiin Isa irraa akka dhufe amanuu, arrabaan Isa faarsu, qaaman wanta Inni itti ajaje hojjachuu fi qanani Isaa badii ittiin hojjachuuf itti fayyadamuu dhiisudha. Aayah tana keessatti namni Rabbiin hin galateefanne, Isa qofa kan hin gabbarre taâ€™uu agarsiisa. Namni Isa galateefate immoo Isa

gabbaree fi wanta itti ajaje hojjatee jira. Ammas, wantoota gaggaarii halaala taâ€™TMan nyaachun hojii gaarii hojjachuu fi hojiin kuni fudhatama akka argatuuf sababa taâ€™TMa. Aaya tana keessatti qananii booda galata galchuutti (shukriitti) ajajuun, shukriin qananiin jiru akka eeggamuu fi qananiin bade akka dhufuuf sababa taâ€™TMuu agarsiisa. Galata galchuu dhiisu fi waakkachuun immoo qananii namarraa oofa. [2]

A: Rabbiin subhaanahu wa taâ€™TMaalaa akkamitti galateefachuu fi jaallachuu dandeessaa?

B: Rahmaani Raaziqa taâ€™TMe, qananiin ani qabu hundi Isarraa kan taâ€™TMe galateefachuu fi jaallachuuf tooftaalee sadii fayyadama. 1ffaa-Qananii na bira jiru yaadachu fi itti xinxalluu. 2ffaa-Haala darbe kiyya yaadachuu, 3ffaa-namoota qananii ani qabu dhaban ilaalu. Qananiin akka beekumsaa, iimaana, qabeenya fi kan biroo na bira jiran qananii guddaa Rabbiin subhaanahu wa taâ€™TMaalaa na badhaasedha. Kanaafu, kuni galata galchuu fi Isa jaallachuutti na kakaasa. Isaaf ajajamu fi Isa faarsun galata galchuun qananiwwan kunniin akka itti fufanii fi dabalan waan taasisuuf. Qurâ€™TMaana keessatti ni jedha:

يَا أَيُّهَا النَّاسُ اذْكُرُوا نِعْمَتَ اللَّهِ عَلَيْكُمْ هَلْ مِنْ خَلْقٍ غَيْرِ اللَّهِ يَرْزُقُكُمْ
مِّنَ السَّمَاءِ وَالْأَرْضِ لَا إِلَهَ إِلَّا هُوَ فَآفَ تَوَفَّكُونَ

â€œYaa namoota! Qananii Rabbii isin irra jiru yaadadhaa. Sila Rabbiin ala Uumaan (Khaaliqni) biraa kan samii fi dachii irraa rizqii isiniif kennu ni jiraa? Isa malee gabbaramaan haqaa hin jiru. Kanaafu akkamitti [Isa irraa] garagaltu?â€• Suura faaxir(35):3

Yaa namoota qananii Rabbiin isin irratti oole ammaa amma yaadadhaa. Yaadachuun kuni kan taâ€™TMu, arrabaan dubbachuu fi qananii Rabbii nu keessa jiruu fi naannawa keenya jiru itti xinxalluudha.

Yaadannoon kunis Isa faarsu fi galata Isaaf galchuutti nu kakaasa. Ergasii hundeewwan qananii ni beeksise. Isaanis: Uumuu fi rizqiidha. â€œ**Sila Rabbiin ala Uumaan (Khaaliqni) biraa kan samii fi dachii irraa rizqii isiniif kennu ni jiraa?**â€• Sila Rabbiin ala Khaaliqni samii irraa bishaan roobsu fi aduu ibsuun lafa keessaa biqiltoota isiniif biqilchee isin sooru ni jiraa? Akkuma beekamu Khaaliqni samii fi dachii irraa nama sooru Rabbiin qofa erga taâ€™TMee, **Isa malee gabbaramaan haqaa hin jiru.**[3]

Samiwwanii fi dachii kan uumee fi waan hundaa irratti dandaâ€™TMa taâ€™TMee malee gabbaramaan gabbarriin (ibaadan) isaaf malu hin jiru. Kanaafu, yaa namoota Rabbiin malee eenyullee hin gabbarinaa. Sababni isaas, Isaan ala kan isin fayyadu fi miidhu hin jiru. Ibaadaa Isaaf qulqulleessaa.[4] â€œ**Kanaafu akkamitti [Isa irraa] garagaltu?**â€• Khaaliqa isin uumee fi rizqii isiniif kennu dhiistanii akkamitti makhluuqa (uumama) isin uumuu fi rizqii isiniif kennu hin dandeenye gabbartuu (waaqefattuu)? Kuni dhimma warri sammuu qaban ajaaâ€™TMibsifataniidha. Namni yaada fi fedhii qabuu wanta ibaadan (gabbarriin) isaaf hin mallee akkamitti gabbaraa (waaqefataa)?

2-Tawakkula qabaachu-Tawakkula jechuun wanta namarraa eeggamu hojjachuu waliin qalbiidhaan hirkannaa dhugaa Rabbiin irratti hirkachuu fi wanta Inni namaaf filatuuf harka kennuudha.[5] Tawakkulli (hirkannaan) hojii qalbiiti. Namni kan rizqii namaaf uumuu fi kennu Rabbii oltaâ€™TMaa taâ€™TMuu yoo

mirkaneefate, Isarratti hirkata. Sababa isarraa eeggamu hojjachuu waliin qalbiin isaa Rabbitti rarraati. Sababni isaas, rizqii fi wanta rizqiif sababa taâ€™™uu hunda kan uume Isa. Kuni naannaâ€™™e naannaâ€™™e, qalbii keessatti tasgabbii fi gammachuu argamsiisa. Rizqiif jedhanii dhiphachuu fi sodaachu namarraa oofa. Walaleessaan ni jedha:

وَكَيْفَ أَخَافُ الْفَقْرَ وَاللَّهُ رَازِقِي وَرَازِقُ هَذَا الْخَلْقِ فِي الْعُسْرِ وَالْيُسْرِ
تَكْفُلُ بِالْأَرْزَاقِ لِلْخَلْقِ كُلِّهِمْ وَلِلضَّبِّ فِي الْبَيْدَاءِ وَالْحُوتِ فِي الْبَحْرِ^(١)

Rabbiin Raaziqa kiyya taâ€™™ee osoo jiru akkamitti hiyyummaa sodaadhaa?
Rakkinnaa fi laafinna keessatti uumamtoota kanniin Kan razzaqu Isaa
Uumamtoota hundaa razzaquuf itti-gaafatamummaa fudhatee
Lootu gammoojji keessatti, qurxummii galaana keessatti

Ammas wanta armaan olitti ibsuuf yaalle gaafi fi deebiin ifa haa goonu.

A: Rabbiin irratti hirkachuu yommuu jettu maal jechuu keeti? Rizqii barbaadachuuf osoo hin carraaqin taaâ€™™anii, â€œAni Rabbiin rizqii naaf kennaâ€™™ jechuu keetii?

B: Lakki, akkasi miti. Akkuma duratti jenne Rabbiin irratti hirkachuu jechuun harkaan wanta namarraa eeggamu hojjachaa qalbiin immoo Isatti rarraâ€™™uu fi amanuudha. Muâ€™™minni (namni dhugaan amane) rizqii irratti kan hirkatu osoo hin taâ€™™in Rabbiin irratti hirkata. Kan dhugaan nama fayyaduu fi balaa namarraa deebisu qabeenya harkaa qabu osoo hin taâ€™™in Rabbiin akka taâ€™™e ni beeka. Kanaafu, qalbiin isaa qabeenyarratti osoo hin taâ€™™in Gooftaa isaatti rarraati. Murtii Gooftaa isaatiif harka kenna. Kuni hundi tasgabbii isaaf kenna. Ammas, harka marate taaâ€™™uun â€œrizqiin naaf dhuftiâ€™™ kan jedhu osoo hin taâ€™™in, rizqii argachuuf hanga dandaâ€™™e ni carraaqa. Sinbireen ganama rizqii barbaadachuuf baate galgala quufte galti. Wanti ishiin hojjattu sababa. Yommuu ishiin carraaqxu, Rabbiin rizqii ni kennaaf. Namnis haaluma kanaan yoo carraaqe, Rabbiin subhaanahu wa taâ€™™aalaa rizqii ni kennaaf.

A: Namoonni gariin garmalee ni carraaqu, garuu rizqii xiqqoo argatu. Gariin immoo xiqqoma carraaqanii rizqii baayâ€™™ee argatu. Kuni akkamii?

B: Akkuma kutaa darbe keessatti jenne carraaqin namootaa sababa rizqiiti malee maddaa miti. Kan rizqii maddisiisu, kennuu fi qoodu Rabbiidha. Sababni isaas, Rabbiin Ar-Razzaaq waan taâ€™™eef rizqii kan uumu, sababa laaffisu fi nama fedheef kennuudha. Rabbiin subhaanahu wa taâ€™™aalaa fedhii fi ogummaa Isaatiin rizqii namootaa garagara godhe. Ni jedha:

إِنَّ رَبَّكَ يَبْسُطُ الرِّزْقَ لِمَنْ يَشَاءُ وَيَقْدِرُ إِنَّهُ كَانَ بِعِبَادِهِ خَبِيرًا
بَصِيرًا

â€œGooftaan kee nama fedheef rizqii ni balâ€™™isa, [nama fedhe immoo] itti dhiphisa.

Dhugumatti, Inni gabroota Isaa ilaalchisee keessa beekaa, argaa taâ€™™eera.â€• Suuratu Al-Israa

17:30

Yaa nama addunya tana keessatti iddoo qormaataa kaa'ame! Gooftaan kee namoota gariif rizqii bal'isuu fi namoota gariitti immoo rizqii dhiphisuun wanta namoonni ittiin qoraman taasise. Gabroota Isaa ilaalchisee haala isaanii sirritti beeka. Eenyutu durummaan akka isaaf malu, eenyutu hiyyummaan akka isaaf malu sirritti beeka. Haala fi dhimma isaanii hunda sirritti arga. Kanaafu, hunda isaanitif ogummaa fi beekumsa Isaatiin rizqii ni qooda. Gabroota keessaa osoo rizqii itti bal'isee amanti fi Aakhiraan isaa kan jalaa badu jira. Ammas, gabroota keessaa nama osoo rizqii itti dhiphisee amanti fi Aakhiraan isaa jala baduu jira. Rabbiin rahmataa fi ogummaa Isaatiin mu'iminaaf wanta irra gaarii ta'e filata. Kanaafu, namni carraaqee rizqii xiqqoo yoo argate, suni wanta Rabbiin isaaf murteesse akka ta'e beekun obsuu qaba. *Kaayyoon guddaan rizqii bal'isuu fi dhiphisuu keessa jiru namoota qoruun nama galata galchu fi hin galchine, nama obsuu fi hin obsinee ifa baasuf waan ta'eef. Ergasii Guyyaa Murtii Jazaa isaaniif kafaluufi.*

Kitaabban wabii:

[1] Tafsiiru Xabarii-3/52

[2] Tafsiiru Sa'dii-78

[3] Ma'aariju Tafakkuri wa daqaa'iqu tadabburi-7/37

[4] Tafsiiru Xabarii-19/329

[Walillahi asmaa'ul Husnaa fad'uuhu bihaa'](#) lakk.61,62; AbdulAziz bin Naasir Jaliil

[5] Ma'aariju Tafakkuri wa daqaa'iqu tadabburi-6/576

Date Created

October 16, 2019

Author

admin